

REVIZORSKA KOMORA FEDERACIJE BOSNE I HERCEGOVINE

Panel diskusija: „Izazovi održivosti revizijske profesije u FBiH“

Neum 14.10.2023. godine

Panelisti: dr.sc. Josipa Grbavac, Esmir Krnić, Adnan Bahtanović, članovi Upravnog vijeća Revizorske komore Federacije Bosne i Hercegovine, Nedeljka Bilić, Odbor za javni nadzor Federacije Bosne i Hercegovine,

Moderator: Zijad Hasović, Revizorska komora Federacije Bosne i Hercegovine.

Ciljevi panela: Analiza/diskusija sa relevantnim predstavnicima i članovima Komore o stanju i perspektivama razvoja revizijske profesije u FBiH s naglaskom na:

1) funkcioniranje Revizijske profesije FBiH u kontekstu institucionalnog okvira (Zakona o računovodstvu i reviziji u FBiH) s posebnim osvrtom na Tarifu

2) Nadzor i kontrolu kvalitete revizijske profesije u FBiH (stanje i perspektiva razvoja)

U okviru navedenih tema diskutirano je o prednostima i nedostacima postojećeg institucionalnog okvira te su identificirane ključne karakteristike, kao i potrebne izmjene, postojećeg okvira koje bi pridonijele kvalitetnijem i transparentnijem razvoju revizijske profesije u FBiH.

Kao zaključci provedene diskusije, sudionici su usuglašeni u sljedećem:

- Nužnost podizanja svijesti o ulozi i važnosti revizijske struke je pretpostavka razvoja revizijske profesije i kvalitete financijskog izvještavanja u FBiH. Za ostvarivanje ovog cilja je nužna suradnja i aktivan angažman svih karika u lancu financijskog izvještavanja (institucionalnih regulatora i profesionalnih tijela)
- Nadzor i kontrola kvalitete rada revizora je jedan od instrumenata jačanja struke, koji želimo i nastojimo da implementiramo i obavljamo kroz Komoru, što nam je i dato kao zakonsko ovlaštenje. S tim u vezi, odnosno u vezi provedbe kontrole javlja se problem finansiranja kao neophodnog preduslova.
- Razmatrani su i diskutirano je o načinima i mogućnostima iznalaženja mogućnosti finansiranja nadzora. Zaključci diskusije su bili usmjereni ka provedbi edukacije revizora kroz Komoru i naplate iste i/ili uspostavljanje sistema finansiranja nadzora kroz poseban oblik naknade za nadzor, kao što je to uređeno kod nekih agencija/regulatora.
- Diskutirano je i o modalitetima i metodologijama nadzora, putem komisije, kao što je treutno predviđeno, ili na način da se društva za reviziju međusobno nadziru i kontroliraju.
- Nedvojbeno je zaključeno da je neophodno uređenje tržišta kroz Tarifu revizorskih usluga. Napomenuto je da je Skupština Komore usvojila novu Tarifu, koja predstavlja optimalno rješenje, a koja još nije dobila pismenu saglasnost Ministarstva.
- Usuglašeno je mišljenje da je potrebno djelovati kroz izmjenju regulative u pravcu revizije javnih ustanova kroz komercijalnu reviziju, te generalno poduzeti aktivnosti na propagiranju revizije.

- Usuglašeno je da je što prije potrebno organizirati zajednički sastanak predstavnika Federalnog ministarstva finansija, Odbora za javni nadzor Federacije Bosne i Hercegovine i Revizorske komore Federacije Bosne i Hercegovine na temu Revizijske profesije FBiH u kontekstu institucionalnog okvira (Zakona o računovodstvu i reviziji u FBiH).
- Napraviti prijedlog izmjena i dopuna Zakona o računovodstvu i reviziji koji će unaprijediti revizijsku profesiju
- Zaključeno je da će na prvoj sljedećoj sjednici Skupštine, pod posebnom tačkom biti nastavljena diskusija i donošenje zaključaka na temu izazova i održivosti revizijske profesije u FBiH.